

Gvangjsih Minzcuz Bau

ganhhau: CN45-0036 B.2014 Nd.3 Ng.12 liggaeuq gyapngux nienz ndwenngaih cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3114期

Daengx Guek Yinzda Daibyauij Swcigih Minzveij、Minzyijveij Cuijin Luz Yenbenj Naeuz:

Aeu Ciuq Saujsu Minzcuz Naemjngeix Fazcanj Saujsu Minzcuz Saehnieb

全国人大代表 自治区民委、民语委主任卢献匾提议:

围绕特殊需求发展我区少数民族事业

3 nyied 5 hauh, aen hoih Cibngeih Gaiq Daengx Guek Yinzda Ngeih Baez Vei yi youq Baekging hai. Miz gyawj 3000 boux daengx guek yinzda daibyauij daiq gij naemjngeix vunz lai daengq hawj de bae haihoih, rapdawz ndei gij cwzyin hungnaek youz yenfaz nem faplwd gvidingh de.

Baez hoih neix, daengx guek yinzda daibyauij、Gvangjsih Boux-cuengh Swcigih Minzveij、Minzyijveij cujin Luz Yenbenj hopheux gij cingzgvang gih raeuz, daegbied dwg gij naemjngeix saujsu minzcuz de, daezok 6 aen genyi: Cingj guekgya bangcoengh gih raeuz gyarengz guh hong gvangjbo yingjsi vah minzcuz、sien bangcoengh vehdat Byaraiz sinhbau sigai yizcanj、coengh moix aen saujsu minzcuz laeb aen guekgya gaep saujsu minzcuz bozvuzgvang ndeu (lumj Cungguek Bouxcuengh bozvuzgvang)、coengh gih raeuz daezsang suijbingz bang gyoengq-vunz senj ok gugih de、lai bangbouj vunz henzguk gih raeuz、coengh Gvangjsih Vei si Binzdau ndaej youq daengx guek mienxfei ciepsou. Daez gij genyi neix, de naemj dawz gij naemjsiengj nem maqmuengh vunz



gih raeuz daegbied dwg saujsu minzcuz ganbu ginzung de gangj okdaeuq, hawj guekgya mizgven bumwnz nem sevei gak gyaiq yawjnaek, doidoengh gij hong mizgven ndaej guh baenaj.

Youq ndaw geiyi de, cingj guekgya bangcoengh gih raeuz gyarengz guh hong gvangjbo yingjsi vah minzcuz、sien bangcoengh vehdat Byaraiz sinhbau sigai yizcanj、coengh moix aen saujsu minzcuz laeb

aen guekgya gaep saujsu minzcuz bozvuzgvang daengj, ndaej gih raeuz gak cuz ganbu ginzung caeuq sevei gak gyaiq haenhndei raixcaix, ndawbiengz vunz lai lwnhgangj haemq lai. Yaek rox neiyungz sijsaeq gij genyi neix, cingj hwnj Gvangjsih Minzcuz Bau Vangj (<http://www.gxmzb.net>) roxnaeuz Gvangjsih Minzveij Vangj (<http://www.gxm.gov.cn>) bae yawj.

(Ciuq Swcigih Minzveij Vangj)

Daengx Guek Cwnghez Veijyenz: Aeu Yawjnaek Hagsib Vahgangj Nem Vwnzva Saujsu Minzcuz

全国政协委员:要重视对少数民族语言和文化的学习

3 nyied 3 hauh daengz 12 hauh, aen hoih Daengx Guek Cwnghez Cibngeih Gaiq Ngeih Baez Vei yi youq Baekging hai. Youq haihoih 10 ngoenz ndawde, 2000 lai boux cwnghez veijyenz haenqrengz roengzsim daez genyi. Ndwade, Daengx guek cwnghez veijyenz、Cunghgoz Vaivwnzgiz gizcangj Couh Mingzveij youq cwnghez siujcuij vei yi ndawde daezok aen genyi ndeu, couh dwg yaek guh ndei hong minzcuz, couh deng yawjnaek hagsib vahgangj、vwnzva saujsu minzcuz, aen genyi neix yinx le daengx guek

gak cuz ganbu ginzung yawjriengz nem haenhndei.

3 nyied 4 hauh, youq siujcuij gangjavah ndawde, Couh Mingzveij gangj daengz gij saujsu minzcuz vwndiz dangqna j vunz lai gvnsim de, couh naeuz vihliux caeuq vunz Ouhcouh、Meijgoz nem Yizbwnj doxgyau, raeuz aeu haujai seizgan bae hag gij vah de. Danhseih dauq yawj raeuz ne, doenghboux guh hong saujsu minzcuz de miz geijlai boux hag vah saujsu minzcuz guek raeuz ne? Ciuq neix daeuq gangj, yaek caencingq rox doenghboux saujsu

minzcuz, caeuq gyoengqde doxgyau ndaej ndei, sien aeu rox gangj gij vah de gonq.

Couh Mingzveij nyinhnaeuz, guek raeuz yaek guh ndei hong saujsu minzcuz, sien heuh doenghboux guh hong saujsu minzcuz de hag vahgangj nem vwnzva saujsu minzcuz. “Neix caeuq hungzyangz vwnzva Bouxgun、vwnzva cujau guek raeuz mbouj doxingj, dauqfanj hawj raeuz gij vwnzva lai cungj lai yiengh de ndaej riuzcienz bae nanz、ndaej bauj miz lai yiengh.”

(ciuq Cunghgoz Vangj)

SIUSIK DINJ

简 讯

● Bi' gvaq, Lungzcouh Yen cungfaen aeu gij daigvanj iq hawj nungzhoh de bangcoengh vunz henzguk fazcanj mouyi henzguk, bi' gvaq aen yienh neix mouyi henzguk guhsat 103.32 ik maenz, doengzbeij demlai 49.32%.

(Liuz Cinghgeiz)

● Geij bi neix, Sanhgyangh Dungcuz Swciyen gyarengz roengz-ngaenz guh “it saeh it gangj” hawj vunz lai souh'ik. Bi' gvaq, daengx yienh gungh guhsat gij hanghmoeg cunh gaep ciengjbouj guh saeh hawj vunz lai souh'ik de 237 aen, guhsat hanghmoeg roengzngaenz 3450 fanh maenz, ndawde cunghyangh bouj hawj 2669 fanh maenz, hanghmoeg guh daengz daengx yienh 15 aen yanghcin 119 aen cunh, 8.4 fanh vunz souh'ik.

(Gungh Bujganh)

● 2013 nienz, Siengcouh Yen saedyienh haeuxgwn soundaej onjdingh demlai, daengx bi ndaem haeuxnaz 45.19 fanh moux, bingzyaenz moix moux ndaej 372 goenggaen, gungh ndaej 16.82 fanh dun, beij bi' gvaq demlai 3.9%, saedyienh haeuxnaz moux sou ndaej、gungh sou ndaej “lienndaemh cib bi fungsou”.

(Dangz Binh)

● Bi' gvaq, Denhdwngj Yen cizgiz guh ndei hong boujdiep nungzgih, gungh fat nungzgih boujdiep 300 fanh maenz, 1455 ranz souh'ik.

(Vangz Lilanz)

● Geij ngoenz gonq, Dasinh Yen Wnhcwngz Yangh ciengj 14 boux yezyiz dunghsinyenz, caemh-caiq hawj gyoengqde fat gij cienzngaenz ciengj sinhvwnz senhconz de 3855 maenz. Yienghneix guh le hawj gyoengqde engqgya haenqrengz guh hong senhconz baudau.

(Hij Cuilanz)